



ASIAN DANCE COVER LEHIAKETA

1. PARTE-HARTZEARI BURUZ

- 1.1. Mangamore 2024ko Asian Dance Cover Lehiaketa urriaren 13an, igandea, egingo da, 18:00etik aurrera, Zelaieta Zentroko frontoian. Agertokiak 9x6m-ko dimentsioa du gutxi gorabehera.
- 1.2. Parte hartzeko gutxieneko adina 12 urtekoa da. 16 urtetik beherakoek aitaren, amaren edo legezko tutorearen baimena izan beharko dute (ikus baimen-eredua oinarrien amaieran).
- 1.3. 25 plaza egongo dira, talde eta bakarlariren artean gehienez 100 pertsona egon daitezkeela kontuan hartuta. 15 plaza taldeentzat izango dira (10 kide gehienez) eta 10 bakarlarientzat.

Plazak beteta, bi erreserba-zerrenda sortuko dira: bat taldeentzat eta bestea bakarlarientzat, erreserba gisa, talderen bat eta/edo bakarlariren bat erretiratzen bada.

GARRANTZITSUA:

- Pertsona bera ezin izango da bi kategorietan aurkeztu.
 - Bakarlariren kategorian ez dago baimenduta backdancer-ak erabiltzea, ezta emanaldian zehar pertsona bat aldi baterako agertzea ere.
 - Taldearen osaera aldatzen bada, antolatzaileei jakinarazi beharko zaio, eta ezin izango da kideen kopurua handitu, baina bai murriztu. Aldaketa hori behin bakarrik egin ahal izango da.
 - Parte-hartzaileek ez badute behar adinako aurrerapenez abisatzen beren plaza erreseba zerrendan dagoen norbaiti utzi ahal izateko edo lehiaketaren egunean aurkezten ez direnak lehiaketaren etorkizuneko edizioetan parte hartzeko aukerarik gabe zigortu ahal izango dira.
 - Plaza bat libre geratzen denean, talde/bakarlari erretiratu egin delako, itxaron-zerrenden ordenari jarraituz abisatuko da, gehienez ere urriaren 6an (igandea barne).
- 1.4. Lehiaketak irauten duen bitartean, parte-hartzaile guztiak agertokiaren alde bateko eserlekuetan banatuko dira (ez frontoiko harmailetan), eta une oro antolatzaileen jarraibideak eta arauak bete beharko dituzte. Horrela, esleitutako lekuetan eserita egon beharko da, adierazitako bideetatik irten eta sartu, eta abar.
 - 1.5. Parte-hartzaile guztiak aldagelen eremuan egon beharko dute beranduenez 17:30ean, backstagetik sartuta.

- 16:30etatik aurrera aldagelak erabili ahal izango dira, eta bertan utzi ahal izango dira ondasunak lehiaketa amaitu arte.
- 17:45ean, parte-hartzaileek antolatzaileek esleitutako eserlekuetan egon beharko dute.

Ezarritako orduetan ez egotea deskalifikazio-arrazoitzat har daiteke.



<https://goo.gl/maps/KVTxf3wwSgYdUnD98>

2. ABESTIEI ETA KOREOGRAFIEI BURUZ

- 2.1. Koreografiaren abestiak edo erremixak asiarrak baino ez dira izango (japoniarrak, txinatarrak, korearrak...), eta haien hizkuntza nagusituko da. Guztira, ezin izango da 4:30 minutu baino gehiago iraun, eta gutxienez 2:30 minutu izango dira.break.
- 2.2. Artistaren originalak ez diren koreografiak ez dira onartuko, baina 15 segundoko tartea emango da talde edo bakarleri bakoitzak koreografian inprobisatzeko askatasuna izan dezan, eta, horrez gain, 20-30 segundu *intro* edo *break* bat egiteko.
- 2.3. Parte hartzaileek abestiak errazago hauta ditzaten, abesti eta taldearen izena zerrenda batean erantsiko da, inskripzioak berretsi ahal, taldea edo bakarlaria izendatu gabe.

Remix bat aukeratuz gero, zerrenda horretan erabilitako abestiak agertuko dira, remix batekoak direla adierazi gabe.

Abestien zerrenda: <https://labur.eus/MangamoreSongList2024>

- 2.4. Armen Araudiari buruzko 137/1993 Errege Dekretuari jarraiki, erabat debekatuta dago partehartzaileek jarduketan suzko armak, metalezkoak eta bestelako objektu sendoak edo imitazioak erakustea, baldin eta beren ezaugarriengatik haien benetako izaera nahas badezakete. Zalantzarik izanez gero, antolatzaileei galdetu behar zaio inskripzioen helbide elektronikoaren bidez.

- 2.5. **Jarduketan zehar, debekatuta dago pertsonen eta esparruaren instalazioen osotasun fisikoa zikintzen, hondatzen edo arriskuan jartzen duten mota guztietako elementuak botatzea** (material piroteknikoa eta sukoia, inolako ke-sorgailuak, lurzorua marraz dezaketen gaiak, likidoak, purpurina, konfetiak, lumak, etab.), bai eta agertokitik kanpora objektuak jaurtitzea ere. Ezingo dira erabili sare elektrikora, sorgailura edo bestelako konexioetara konektatutako aparatuak, efektubisualak, soinu-efektuak edo bestelako efektu bereziak sortzeko.
- 2.6. **Debekatuta dago agertokitik jendearengana salto egitea, eta ez da onartuko organizazioak desegokitzat edo lizuntzat jotzen duen jokabiderik; kasu horretan, organizazioak beretzat gordeko du egokitzat jotzen dituen neurriak hartzeko eskubidea.**

3. IZEN-EMATEARI BURUZ

- 3.1. **Lehiaketan izena ematea doakoa da eta irailaren 9an (asteazkena) 19:00etatik urriaren 6an (igandea) 19:00etara egin ahal izango da. Izena emateko formulario hau bete beharko da: <https://labur.eus/MangamoreFormulario2024>**

Taldeen kasuan, izen-emate bakarria egingo da.

- 3.2. **Eskaera egitean, parte-hartzaile guztiek honako datu pertsonal hauek ematea onartuko dute:**

- **Izen-abizenak eta jaioteguna (kide guztien taldeen kasuan, zerrenda batean zehaztu beharko da)**
- **Email** (taldeen kasuan, bakarria)
- **Telefono-zenbakia** (harremanetan jartzek antolaketa-premiarik izanez gero; taldeetan, harremanetarako telefono bakarria)
- **Parte-hartzaile bakarlarrien kasuan, zer genero eta izenarekin aurkeztua izan nahi den dantzatu aurretik** (nick bat izan daiteke)
- **Taldeetan, taldearen izena**
- **Udalerrria**
- **Zalantzak:** lehiaketa egin aurretik edozein zalantza azaldu eta argitu dadila eskatzen da.

Daturen bat aldatu nahi izanez gero, aldaketak onartuko dira urriaren 6ra arte (igandea barne).

- 3.3. **Antolatzaileek posta elektronikoko bat bidaliko dute dance@mangamore.net helbidetik, izen-ematea baieztatuta dagoela adierazteko.**

- 3.4. **Lehiaketan parte hartu ahal izateko, parte-hartzaileek dance@mangamore.net helbide elektronikora bidali beharko dute audio- eta/edo bideo-fitxategia, urriaren 6an (egun hori barne). Fitxategia mp3 formatuan egon beharko da eta VLC softwarearen azken bertsioan funtzionatu beharko du.**

Fitxategi informatikoak transferitzeko zerbitzuak erabil daiteke (Google Drive, Dropbox, Wetransfer, etab.) fitxategia bidaltzeko.

Behin fitxategia bidalita, ezin izango da aldatu aukeratutako abestia edo remix-a; ordura arte, aldatu ahal izango da, alde zurretik antolatzaileei jakinarazita

Oinarrietan adierazitako eguna eta/edo ordua baino lehen bidalitako artxiboak ez dira baliozkoak izango.

- 3.5. 16 urtetik beherako parte-hartzaileei dagokienez, dance@mangamore.net helbide elektronikora bidali beharko da aitak, amak edo legezko tutoreak bete eta sinatutako baimena, urriaren 6an, gehienez ere.

4. EPAIMAHAIARI ETA SARIEI BURUZ

4.1. Jarduketan alderdi hauek baloratuko dira:

- Koreografia gauzatzea
- Koreografiaren zailtasuna
- Koordinazioa
- Originaltasuna
- Jantziak eta estetika
- Dantzaren fideltasuna

4.2. Dantzako profesionalek osatutako epaimahaiak zuzenean aukeratuko ditu kategoria hauetako sarituak:

1. taldekako saria: 500€ + dominak

Taldekako 2. saria: 250€ + dominak

Taldekako 2. saria: 150€ + dominak

1. bakarlari saria: 75€ + domina

Bakarlari 2. saria: 50€ + domina

Bestalde, beste produktuak ere oparituko dira, hala nola, merchandisinga, mangak, liburuak, Artist Alley-ko artisten sorkuntzak, elikadura-produktuak eta abar.

- 4.3. Epaimahaiak hala iritziz gero, saria/k eman gabe utzi ahal izango dira edo Aipamen Bereziak eman ahal izango dira, bere diskrezioarekin, eta edozein parte-hartzailek jaso ahal izango du.
- 4.4. Epaimahaiaren erabakia behin betikoa eta apelaezina izango da.
- 4.5. Ekitaldia amaitutakoan, antolatzaileek harremanetan jarriko dira diru sariak jasotzeko posta elektronikoko bat bidaliz edo telefonoz.

Sarituak adingabeak badira, izapidea aitarekin, amarekin edo legezko tutorearekin egingo da.

5. ANTOLAKUNTZARI BURUZ

- 5.1. Oinarri hauetan araututa egon ez arren, lehiaketaren arrakastarik handiena lortzen laguntzen duen edozein ekimen hartzeko eskubidea izango dute antolatzaileek.
- 5.2. Antolatzaileek errespetuzkoa eta dibertigarria den partaidetza-testuingurua sustatu nahi dute.
- 5.3. Debekatuta dago jarduketaren bideoan edozein motatako bannerrak edo publizitate-propaganda erabiltzea, ekitaldiaren antolatzaileen baimenik gabe.
- 5.4. **Lehiaketan parte hartzeak berekin dakar irudi-eskubidea lagatzea.** Parte-hartzaileak, beraz, lehiaketan parte hartzeko irudi-eskubideak lagatzen ditu. Lehiakideak berariaz baimena ematen dio Amorebieta-Etxanoko Udalari irudi, argazki, bideo, material, grafiko eta abar guztiak (aurrerantzean, "Irudiak") edo horien zati batzuk, lagatzaileak edo haren ordezkariak, Mangamore 2024ko Asian Dance lehiaketaren esparruan Amorebieta-Etxanoko Udalak antolatua, atzemateko, argitaratzeko, erreproduzitzeko eta erabiltzeko, barneko zein kanpoko hainbat hedabidetan (egunkariak, aldizkariak, telebista-programak, web-orria, sare sozialak).

Grabatutako edukia eta lagatzailearen edo publizitate-arrazoiekin irudikatutakoaren irudiak erabiltzeko baimen hori Ohorerako, norberaren eta familiaren intimitaterako eta norberaren irudirako eskubidearen babes zibilar buruzko maiatzaren 5eko 1/1982 Lege Organikoan xedatutakoaren babesean ematen da.

Baimen hori ez da mugatzen denbora-eremu edo lurralde-eremu jakin batera, eta, beraz, Amorebieta-Etxanoko Udalak munduko herrialde guztietan erabili ahal izango ditu irudi horiek, edo horien zati bat, betiere izaera sozialarekin eta ez komertzialarekin, inolako muga geografikorik gabe.

Baimen hau doakoa da, eta ez dago konpentsazio ekonomikorik lagatzaileari edo haren ordezkariari. Lagatzaileak edo haren ordezkariak berariaz salbuesten du Amorebieta-Etxanoko Udala irudietako hirugarren batek egin dezakeen edozein erabileraren aurkako erantzukizunetik.

- 5.5. **Lehiaketan izena emateko emandako datu pertsonalak konfidentziasunez erabiliko dira,** Datu Pertsonalak Babesteari eta eskubide digitalak bermatzeari buruzko abenduaren 5eko 03/2018 Lege Organikoan ezarritakoaren arabera. **Datuak lehiaketa hau egiteko baino ez dira erabiliko, eta ez zaizkie hirugarrenei salduko edo lagako.**
- 5.6. **Lehiaketan parte hartzeak oinarriak erabat onartzea dakar. Arau bat edo batzuk ez betetzeak lehiaketatik kanporatzea ekar dezake. Gainera, larritasunaren arabera, zigorra ezarri ahal izango da Mangamoreren etorkizuneko edizioei begira.**

HARREMANETARAKO BIDEA:

Zalantzarik izanez gero, email bat bidali dezakezu dance@mangamore.net helbidera; ez da beste komunikazio-biderik erabiliko.



ERANSKINA



BAIMENA
ASIAN DANCE COVER LEHIAKETA

_____ Jaun/Andreak, adinez nagusia,
_____ NAN/AIZ/pasaporte zenbakia indarrean duenak, _____ telefono
zenbakia duenak, eta _____ helbide elektronikoa
duenak, _____ -(r)en aita, ama edo tutorea
izanik ADIERAZTEN du:

Asian Dance Cover lehiaketaren oinarriak irakurri dituela eta bere seme/alaba/apopiloari baimena ematen diola Asian Dance Cover lehiaketan parte hartzeko. Lehiaketa hori urriaren 13an, igandea, 18:00etatik aurrera ospatuko da Zelaieta Zentroko frontoian, Mangamore (Amorebieta-Etxanoko Udalak antolatutako japoniar kulturari buruzko jardunaldiak) 2024ko programazioaren barruan.

Era berean, berariaz baimena ematen diot Amorebieta-Etxanoko Udalari lehiaketan zehar egindako nire semea, alaba edo apopiloaren irudi, argazki, bideo, material, grafiko eta abar guztiak, edo zati bat, barne zein kanpoko medioetan (egunkariak, aldizkariak, telebista-programak, web-orria, sare sozialak, etab.) jaso, argitaratu, erreproduzitu eta erabili ahal izateko. Irudi horiek ez dira inola ere erabiliko merkataritza-helburuetarako.

_____ (e)n, 2024ko _____ (a)ren _____ a.

Sinadura: